



**Departement für Volkswirtschaft und Soziales Graubünden
Departament d'economia publica e fatgs socials dal Grischun
Dipartimento dell'economia pubblica e socialità dei Grigioni**

Departament d'economia publica e fatgs socials
Reichsgasse 35, 7001 Cuira

www.dvs.gr.ch
Tel.: +41 (0)81 257 23 16
Fax: +41 (0)81 257 21 71
E-mail: info@dvs.gr.ch

Adressatas ed adressats
tenor la glista da distribuziun

21 d'avust 2019

Revisiun parziala da la lescha introductiva tar l'intermediaziun da lavur e tar l'assicuranza cunter la dischoccupaziun (DG 545.100) – consultaziun

Stimadas dunnas e stimads signurs

Nus As suttaimettain il sboz per ina revisiun parziala da la lescha introductiva tar l'intermediaziun da lavur e tar l'assicuranza cunter la dischoccupaziun (DG 545.100) per la consultaziun.

Las vischnancas duain vegnir relaschadas da lur obligaziuns concernent l'execuziun da la lescha federala davart l'assicuranza obligatorica cunter la dischoccupaziun e davart l'indemnizaziun per insolvenza (LADI; SR 837.0). Las personas assicuradas èn obligadas da s'annunziar persunalmain tar lur vischnanca da domicil u tar l'uffizi cumpetent per l'intermediaziun da lavur ch'è vegnì designà dal chantun, e quai il pli tard l'emprim di, per il qual ellas dumondan ina indemnizaziun da dischoccupaziun. Ils chantuns èn libers da designar il post d'annunzia. En l'avegnir na vegnan las vischnancas ad avair pli naginas incumbensas, en spezial er perquai che l'annunzia electronica planisada vegn introducida, tar la quala i n'è betg pli necessari da cumparair persunalmain.

Ultra da quai vegn reglada la cumpetenzia chantunala per exequir l'obligaziun d'annunziar las plazzas libras ch'è vegnida introducida cun realisar l'iniziativa federala dal pievel "Cunter l'immigraziun da massa".

Il sboz da la lescha cun las explicaziuns respectivas pudais Vus consultar e chargiar giu da la pagina d'internet dal chantun sut las consultaziuns currentas (www.gr.ch → Rumantsch →

Publicaziuns → Consultaziuns → Consultaziuns currentas) u retrair sin palpiri tar il departament (info@dvs.gr.ch; tel. 081 257 23 16).

Gugent As envidain nus d'inoltrar en il rom da la consultaziun fin ils **22 da november 2019** ina posiziun, da preferenza per e-mail ad info@dvs.gr.ch u uschiglio per posta al departament sut l'adressa ch'è inditgada en il chau da la brev.

Per infurmaziuns stat Bruno Maranta (bruno.maranta@dvs.gr.ch; tel. 081 257 23 11) a Vossa disposiziun.

Salids amicabels

**DEPARTAMENT D'ECONOMIA
PUBLICA E FATGS SOCIALS**

Il schef



Cusseglier guvernativ Marcus Caduff

Glista da distribuziun:

- vischnancas
- partidas politicas
- SYNA, secretariat regional Grischun/Sarganserland, Steinbockstrasse 12, chascha postala 579, 7000 Cuira
- uniun sindacala dal Grischun (USGR), Gürtelstrasse 24, chascha postala 668, 7001 Cuira
- Sindicat svizzer dals servetschs publics (SSP), Gürtelstrasse 24, 7000 Cuira
- UNIA, Svizra orientala-Grischun, Engadinstrasse 2, chascha postala 640, 7001 Cuira
- uniun grischuna da las hotelieras e dals hoteliers, Haus der Wirtschaft, Hinterm Bach 40, 7000 Cuira
- GastroGrischun, Rosengarten, Loestrasse 161, 7000 Cuira
- societad grischuna da las impressarias e dals impressaris constructurs, Comercialstrasse 20, 7000 Cuira
- uniun grischuna d'artisanadi e mastergñ, Haus der Wirtschaft, Hinterm Bach 40, 7000 Cuira
- chombra da commerzi ed associaziun dals patruns dal Grischun, Hinterm Bach 40, 7000 Cuira